

Božo Ljubić

Izrazio je nezadovoljstvo odgovorom Centralne izborne komisije BiH na pitanje postavljeno na 30. sjednici Predstavničkog doma, održanoj 21.6.2012. Pitanje je glasilo: „Da li će i šta preduzeti Centralna izborna komisija BiH da otkloni diskriminaciju prema nekim političkim strankama i građanima koje te stranke predstavljaju, učinjenu netačnim tumačenjem i primjenom Izbornog zakona u procesu prijavljivanja stranaka za lokalne izbore?“

Zatražio je dopunu odgovora na sljedeći način: „Odgovorom nisam zadovoljan i tražim njegovu dopunu. Naime, Centralna izborna komisija BiH poslala je odgovor koji se uglavnom svodi na citiranje odredbi Izbornog zakona BiH a ne posvećuje pažnju suštini postavljenog pitanja, a zapravo moje pitanje je bilo i upućeno zbog kršenja Izbornog zakona. Tako se Centralna izborna komisija BiH uopće ne obazire na činjenicu da je Apelacioni odjel Suda BiH donio odluku kojom je tumačenje Centralne izborne komisije BiH odredbe o prikupljanju potpisa za lokalne izbore proglašeno nezakontim. Odlukom Apelacionog odjela Suda BiH uvažena je žalba SDA, i to joj je omogućilo da bude ovjerena za lokalne izbore u više općina u RS-u iako nije prikupila potpise koje je tražila Centralna izborna komisija BiH, a od HDZ-a 90 je tražila da prikuplja potpise za prijavu iako je imala poslanike na istom ili višem nivou. Ovakav postupak imao je i imat će negativne posljedice po izborni proces i prouzrokovao je diskriminaciju prema ostalim političkim subjektima. Odgovornost Centralne izborne komisije BiH je neosporna, tako da dio odgovora Centralne izborne komisije BiH, u kojem se navodi da ‘stav Centralne izborne komisije BiH u pogledu primjene citirane zakonske norme u konkretnoj situaciji predstavlja opću normu jednaku za sve učesnike u postupku definiranom Poglavljem IV. Izbornog zakona BiH (Ovjera i kandidiranje za izbore), što isključuje svaki oblik diskriminacije prema bilo kojem pojedinačnom političkom subjektu’ očitito ne odgovara istini, ako se ima u vidu pomenuta odluka Apelacionog odjela Suda BiH i činjenica da jedna stranka koja je odlukom Apelacionog odjela Suda BiH dozvolila da izađe na izbore bez ovjere, bez prikupljanja potpisa, čime je dovedena u favoriziranu poziciju u odnosu na ostale stranke i bojim se da ovo neće s ovim završiti, da ću ja, kao i stranka, iskoristiti i ostale zakonske i ustavne mogućnosti da osporimo ovo tumačenje Centralne izborne komisije BiH. Kakve će to imati posljedice za izborni proces, za rezultate izbora – ja to ne znam.“